



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԷԿՈՆՈՄԻԿԱՅԻ ՆԱԽԱՐԱՐ
Հ Ր Ա Մ Ա Ն

ք. Երևան

« 07 » 01 2025թ № 10-Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷԿՈՆՈՄԻԿԱՅԻ ՆԱԽԱՐԱՐԻ 2023 ԹՎԱԿԱՆԻ
ԴԵԿՏԵՄԲԵՐԻ 6-Ի N 2466-Լ ՀՐԱՄԱՆՈՒՄ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

Հիմք ընդունելով «Նորմատիվ իրավական ակտերի մասին» օրենքի 34-րդ հոդվածը և Հայաստանի Հանրապետության վարչապետի 2019 թվականի հունիսի 1-ի N 658-Լ որոշման հավելվածի 18-րդ կետի 21-րդ ենթակետը.

ՀՐԱՄԱՅՈՒՄ ԵՄ

1. Հայաստանի Հանրապետության էկոնոմիկայի նախարարի 2023 թվականի դեկտեմբերի 6-ի «Ներդրումային պայմանագրի օրինակելի ձևը, ներդրումային պայմանագրերի ռեեստրի վարման կարգը և 2024 թվականի համար տնտեսապես բարդ ապրանքների ցանկը հաստատելու մասին» N 2466-Լ հրամանի N 1 հավելվածը շարադրել նոր խմբագրությամբ՝ համաձայն հավելվածի,

2. Սույն հրամանն ուժի մեջ է մտնում հրապարակմանը հաջորդող օրվանից:



Recoverable Signature

X

Ստորագրող
ԳԵՎՈՐԳ ՊԱՊՅԱՆ
2102870448

Հասցեագրված է ԳԵՎՈՐԳ ՊԱՊՅԱՆ



Signed by: GEVORG PAPOYAN 2102870448

ԳԵՎՈՐԳ ՊԱՊՅԱՆ

Հավելված
Հայաստանի Հանրապետության
Էկոնոմիկայի նախարարի 2025 թվականի
հունվարի 7-ի N 10-Լ հրամանի

«Հավելված N 1
Հայաստանի Հանրապետության
Էկոնոմիկայի նախարարի 2023 թվականի
դեկտեմբերի 6-ի N 2466-Լ հրամանի»

ՆԵՐԴՐՈՒՄԱՅԻՆ ՊԱՅՄԱՆԱԳԻՐ

Օրինակելի ձև

ՀՀ, ք. Երևան

«օր» ամիս փարի թ.

Հայաստանի Հանրապետության Էկոնոմիկայի նախարարությունը (այսուհետ՝
Նախարարություն) ի դեմս գլխավոր քարտուղար [անուն ազգանուն]-ի, ով գործում է
Նախարարություն կանոնադրության հիման վրա մի կողմից, «ընկերության անվանում»
[ընկերության կազմակերպատիրական ձև] ([պետական գրանցման երկիր, պետական
գրանցման համար և ամսաթիվ, ՀՎՀՀ]) ով գործում է Տնտեսավարող սուբյեկտի
կանոնադրության կամ / [ամիս ամսաթիվ] տրված լիազորագրի հիման վրա (այսուհետ՝
Տնտեսավարող սուբյեկտ) ի դեմս [պաշտոն/լիազորված անձ] [անուն ազգանուն], (այս և
հետագայում Տնտեսավարող սուբյեկտին վերաբերող դրույթները կիրառելի են միայն Որոշման
հավելված 2-ի 6-րդ կետով նախատեսված դեպքում) և «ընկերության անվանում» [ընկերության
կազմակերպատիրական ձև] ([պետական գրանցման համար և ամսաթիվ, ՀՎՀՀ]) (այսուհետ՝
Ներդրող) ի դեմս [պաշտոն/լիազորված անձ] [անուն ազգանուն] մյուս կողմից, ով գործում է
Ներդրողի կանոնադրության կամ / [ամիս ամսաթիվ] տրված լիազորագրի հիման վրա,
միասին հիշատակվելիս՝ Կողմեր, հիմք ընդունելով Հայաստանի Հանրապետության
կառավարության 2023 թվականի հոկտեմբերի 26-ի N 1867-Ն որոշումը (այսուհետ՝ Որոշում) և

Հայաստանի Հանրապետության էկոնոմիկայի նախարարի [ամիս ամսաթիվ] թիվ [հրամանի թիվ] հրամանը (այսուհետ՝ Հրաման), կնքեցին սույն ներդրումային պայմանագիրը (այսուհետ՝ Պայմանագիր) հետևյալի մասին.

1. Պայմանագրի առարկան.

1.1. Պայմանագրի համաձայն Ներդրողը պարտավորվում է իրականացնել ներդրումային ծրագրի հայեցակարգում նկարագրված ծրագիրը (այսուհետ՝ Ներդրումային ծրագիր)՝ համաձայն Պայմանագրի անբաժանելի մասը հանդիսացող Հավելված 1-ի, իսկ Նախարարությունը՝ Որոշմամբ և Պայմանագրով սահմանված պահանջները և չափանիշները բավարարելու դեպքում՝ տրամադրել Որոշմամբ նախատեսված աջակցությունը:

2. Ներդրումային ծրագրի չիրականացման դեպքերը.

2.1. Ներդրումային ծրագիրը համարվում է չիրականացված հետևյալ իրավիճակներից որևէ մեկի դեպքում.

2.1.1. Ներդրողը Հավելված 1-ով սահմանված ժամկետում չի իրականացրել Ներդրումային ծրագրով նախատեսված ծավալի կապիտալ ներդրումներ, բացառությամբ Պայմանագրի 4.4.23 և 2.2 կետերով սահմանված դեպքերի,

2.1.2. կապիտալ ներդրումների արդյունքում ստեղծված, ձեռքբերված, կառուցված, վերակառուցված, վերանորոգված կամ արդիականացված ակտիվների (այսուհետ՝ Ներդրումային ծրագրի ակտիվներ) կիրառմամբ տնտեսապես բարդ ապրանքների արտադրության մեկնարկը (այսուհետ՝ Արտադրության մեկնարկ) տեղի չի ունեցել Հավելված 1-ով սահմանված ժամկետում, բացառությամբ Պայմանագրի 4.4.23 և 3.4 կետերով սահմանված դեպքերի,

2.1.3. Ներդրողը չի բավարարում Որոշման Հավելված 1-ի 2-րդ կետով սահմանված չափանիշներից որևէ մեկին,

2.1.4. բացահայտվում է Շահառու ճանաչվելու օրվանից մինչ ներդրումային պայմանագրի գործողության ավարտի օրը Ներդրողի/տնտեսավարող սուբյեկտի կողմից Շահառու ճանաչվելու փուլում, Որոշման Հավելված 2-ի 8-րդ կետով նախատեսված հաշվետվությունում

(այսուհետ՝ Հաշվետվություն) կամ ՀՀ էկոնոմիկայի նախարարի 2023 թվականի դեկտեմբերի 6-ի N 2432-Լ հրամանի հավելված 2-ով սահմանված ռեեստրի (այսուհետ՝ Ռեեստր) վարման կարգի (այսուհետ՝ Ռեեստրի վարման կարգ) համաձայն Ռեեստրում Ներդրողի կամ Ներդրումային ծրագրի վերաբերյալ ներառման ենթակա ոչ հավաստի, թերի կամ ոչ ճշգրիտ տեղեկատվություն ներկայացրած լինելու փաստը, բացառությամբ եթե այդ տեղեկատվությունը Որոշման կամ Ռեեստրի վարման կարգի համաձայն Ներդրողի կողմից ճշգրտվում կամ լրացվում է,

2.1.5. բացահայտվում է Ներդրողի կողմից Հայաստանի Հանրապետության պետական կամ տեղական ինքնակառավարման այլ մարմիններին Պայմանագրի ստորագրումից հետո դիտավորությամբ ոչ հավաստի, թերի կամ ոչ ճշգրիտ տեղեկատվություն ներկայացրած լինելու փաստը, բացառությամբ եթե այդ տեղեկատվությունը ՀՀ օրենսդրության համաձայն Ներդրողի կողմից ճշգրտվում կամ լրացվում է,

2.1.6. Ներդրողն օգտվում է Հարկային օրենսգրքի 127-րդ հոդվածով սահմանված հարկային արտոնությունից,

2.1.7. Ներդրողը սահմանված ժամկետում չի ներկայացնում Հաշվետվությունը, բացառությամբ եթե ուշացման ժամկետը չի գերազանցում 2 (երկու) ամիսը,

2.1.8. մեկնարկի աջակցությունը ստանալուն հաջորդող 5 (հինգ) տարիների ընթացքում Ներդրումային ծրագրի ակտիվների կիրառմամբ արտադրված տնտեսապես բարդ ապրանքների ընդհանուր իրացման շրջանառությունը պակաս է Ներդրումային ծրագրով նախատեսված իրացման շրջանառության 75%-ից,

2.1.9. Ներդրողն իրացրել է Ներդրումային ծրագրի ակտիվները դրանց ստեղծմանը, ձեռքբերմանը, կառուցմանը, վերակառուցմանը, վերանորոգմանը կամ արդիականացմանը հաջորդող 5 (հինգ) տարիների ընթացքում:

2.2. Նախարարության կողմից Պայմանագրի 4.4.23 կետում նախատեսված ժամկետում առարկություն ներկայացնելու դեպքում Կողմերը բանակցում են Ներդրումային ծրագրի ժամակացույցի փոփոխման այլընտրանքային տարբերակներ և ստորագրում Ներդրումային ծրագրի ժամանակացույցի փոփոխության մասին համաձայնություն:

2.3. Եթե առարկությունը ներկայացնելու օրվան հաջորդող 20 (քսան) աշխատանքային օրվա ընթացքում Կողմերը համաձայնության չեն գալիս Ներդրումային ծրագրի նոր ժամանակացույցի վերաբերյալ, ապա Ներդրումային ծրագիրը համարվում է չիրականացված:

2.4. Պայմանագիրը ստորագրելով՝ Կողմերն ընդունում են, որ Տնտեսավարող սուբյեկտի՝ Շահառուի կարգավիճակը և դրանից բխող բոլոր իրավունքները և պարտավորություններն ամբողջ ծավալով փոխանցվում են Ներդրողին:

2.5. Անկախ Պայմանագրի 2.4 կետի դրույթներից՝ Պայմանագիրը ստորագրելով՝ Տնտեսավարող սուբյեկտը երաշխավորում է Ներդրողի կողմից Պայմանագրով ստանձնած պարտավորությունների կատարումը՝ դրանց չկատարվելու կամ ոչ պատշաճ կատարվելու դեպքում Նախարարության առջև կրելով սուբսիդիար պատասխանատվություն:

3. Արտադրության մեկնարկը.

3.1. Ներդրողը Ներդրումային ծրագրի շրջանակներում տնտեսապես բարդ ապրանքների Արտադրության մեկնարկից 5 (հինգ) աշխատանքային օրվա ընթացքում մեկնարկի վերաբերյալ ծանուցում է Նախարարությանը՝ կցելով Արտադրության մեկնարկը հիմնավորող փաստաթղթեր, այդ թվում՝ համապատասխան սարքավորումները և (կամ) ենթակառուցվածքը շահագործման հանձնելու վերաբերյալ տեխնիկական եզրակացություն:

3.2. Արտադրության մեկնարկի վերաբերյալ ծանուցումը ստանալուց 10 (տասը) աշխատանքային օրվա ընթացքում Նախարարությունը կարող է պահանջել մեկնարկը հիմնավորող լրացուցիչ փաստաթղթեր, ինչպես նաև այցելել տնտեսապես բարդ ապրանքների արտադրության վայր՝ սարքավորումների և (կամ) ենթակառուցվածքների ուսումնասիրություն իրականացնելու նպատակով՝ անհրաժեշտության դեպքում համագործակցելով պետական և տեղական ինքնակառավարման մարմինների հետ:

3.3. Այն դեպքում, երբ Նախարարության կողմից իրականացված ուսումնասիրության արդյունքներով չի հաստատվում Արտադրության մեկնարկի պատշաճ կերպով կայացած լինելու փաստը, Կողմերը սկսում են բանակցություններ սարքավորումների, ենթակառուցվածքների կամ դրանց տեխնիկական շահագործման թերությունների շտկման ծրագրի և ժամանակացույցի շուրջ:

3.4. Պայմանագրի 3.3 կետով նախատեսված դեպքում Կողմերը ուսումնասիրության օրվանից 1 (մեկ) ամսվա ընթացքում ստորագրում են Ներդրումային ծրագրի սարքավորումների, ենթակառուցվածքների կամ դրանց տեխնիկական շահագործման թերությունների շտկման ծրագրի և Ներդրումային ծրագրի ժամանակացույցի փոփոխման մասին համաձայնություն:

3.5. Պայմանագրի 3.3 կետով նախատեսված բանակցությունների արդյունքում համաձայնության չգալու դեպքում Արտադրության մեկնարկը համարվում է չկայացած, իսկ Ներդրումային ծրագիրը՝ չիրականացված:

4. Կողմերի իրավունքները և պարտավորությունները

4.1. Ներդրողը պարտավորվում է.

4.1.1. իրականացնել Ներդրումային ծրագիրը,

4.1.2. մինչև յուրաքանչյուր տարվա սեպտեմբերի 30-ը Նախարարություն ներկայացնել Որոշման հավելված 2-ի Ց-րդ կետով սահմանված բովանդակությանը և պահանջներին համապատասխանող Հաշվետվություն,

4.1.3. ապահովել Ռեեստրի վարման կարգի համաձայն Ներդրողի և Ներդրումային ծրագրի վերաբերյալ Ռեեստրում ներառման ենթակա տեղեկության տրամադրումը Նախարարությանը՝ այդ տեղեկության ի հայտ գալուն կամ փոփոխությանը հաջորդող 40 (քառասուն) աշխատանքային օրվա ընթացքում,

4.1.4. ապահովել Պայմանագրի համաձայն Նախարարությանը տրամադրման ենթակա տեղեկության ներկայացման գործընթացի համակարգման և համապատասխան հաշվետվողականության ապահովման համար պատասխանատու պաշտոնատար անձի նշանակումը,

4.1.5. Նախարարության կողմից պահանջ ստանալու դեպքում ողջամիտ ժամկետում վերջինիս տրամադրել Պայմանագրով նախատեսված իր պարտավորությունների պատշաճ կատարման կամ Ներդրումային ծրագրի իրականացման ընթացքի վերաբերյալ լրացուցիչ տեղեկատվություն և հավաստում:

4.1.6. ապահովել Նախարարության կողմից Ներդրումային ծրագրի ուսումնասիրության անխոչընդոտ իրականացումը, այդ թվում՝ Նախարարության կողմից տնտեսապես բարդ ապրանքների արտադրության գործող կամ նախատեսվող վայր այցելությունների, Ներդրումային ծրագրի ակտիվների ուսումնասիրության իրականացումը,

4.1.7. Նախարարությանը տեղեկացնել Ներդրումային ծրագրի փոփոխությունների մասին,

4.1.8. ապահովել Պայմանագրի համաձայն Նախարարությանը տրամադրվող տեղեկության հավաստի, ճշգրիտ և լիարժեք լինելը,

4.1.9. իր կողմից սխալ կամ թերի տեղեկության ներկայացման դեպքի մասին Նախարարության կողմից տեղեկանալու օրվան հաջորդող 5 (հինգ) աշխատանքային օրվա ընթացքում Որոշման և (կամ) Ռեեստրի վարման կարգի պահանջներին համապատասխան շտկել (լրացնել) տեղեկությունը և շտկված (լրացված) տեղեկությունը ներկայացնել Նախարարությանը,

4.1.10. Նախարարությանը տեղեկացել իր սեփականատերերի կազմի փոփոխությունների և վերակազմակերպումների մասին,

4.1.11. Ներդրումային ծրագիրն իրականացնելիս առաջնորդվել Հայաստանի Հանրապետության օրենսդրության պահանջներին:

4.2. Նախարարությունը պարտավորվում է.

4.2.1. տրամադրել Որոշմամբ սահմանված աջակցությունը դրանով նախատեսված կարգով և չափով՝ հիմք ընդունելով Պայմանագրի 4.2.3 կետով նշված պայմանագիրը,

4.2.2. Որոշման համաձայն դիտարկել Ներդրողի կողմից ներկայացված հաշվետվությունները, աջակցություն ստանալու դիմումները և Որոշման կամ Պայմանագրի ներքո Նախարարությանը փոխանցված այլ փաստաթղթերը և տեղեկատվությունը,

4.2.3. Պայմանագրի 4.2.2 կետում նշված դիմումների բավարարման դեպքում կնքել Աջակցության տրամադրման պայմանագիր:

4.3. Տնտեսավարող սուբյեկտը պարտավորվում է.

4.3.1. ապահովել Ներդրողի կողմից Ներդրումային ծրագրի իրականացումը,

4.3.2. Ժամանակին կատարել Պայմանագրի 2.5 կետով սահմանված երաշխավորությունը:

4.4. Ներդրողն իրավունք ունի.

4.4.1. պահանջել Որոշմամբ սահմանված աջակցությունը,

4.4.2. պահանջել Նախարարությունից Պայմանագրով նախատեսված ուսումնասիրությունն իրականացնելիս չխոչընդոտել իր տնտեսական գործունեությանը,

4.4.3. կապիտալ ներդրումների իրականացման կամ Արտադրության մեկնարկի՝ Ներդրումային ծրագրի ժամանակացույցով նախատեսված որևէ ժամկետից առնվազն 1 (մեկ) ամիս առաջ Նախարարությանը ծանուցել ժամկետի հնարավոր շեղումների մասին՝ ներկայացնելով հիմանավոր պատճառաբանումներ: Եթե Նախարարությունը ծանուցումը ստանալուց հետո 5 (հինգ) աշխատանքային օրվա ընթացքում չի հայտնում իր առարկությունների մասին, ապա Ներդրումային ծրագրի ժամանակացույցը համարվում է համապատասխանաբար փոփոխված: Պայմանագրի իմաստով Ներդրումային ծրագրի ժամանակացույցից շեղում չի համարվում սահմանված ժամանակացույցից մինչև 2 (երկու) ամիս ժամկետով ուշացումը:

4.5. Նախարարությունն իրավունք ունի.

4.5.1. Ներդրողից պահանջել Որոշմամբ և Պայմանագրով նախատեսված իր պարտավորությունների պատշաճ կատարման կամ Ներդրումային ծրագրի իրականացման ընթացքի վերաբերյալ լրացուցիչ տեղեկատվություն և (կամ) հավաստում,

4.5.2. անհրաժեշտության դեպքում իրականացնել Ներդրումային ծրագրի ընթացիկ ուսումնասիրություն՝ այցելություններ կատարելով տնտեսապես բարդ ապրանքների արտադրության գործող կամ նախատեսվող վայր,

4.5.3. պահանջել Ներդրողից չխոչընդոտել, իսկ անհրաժեշտության դեպքում՝ օժանդակել Նախարարությանը Ներդրումային ծրագրի՝ Պայմանագրի 4.5.2 կետով նախատեսված ընթացիկ ուսումնասիրությանը:

5. Կողմերի պատասխանատվությունը

5.1 Ներդրողը պատասխանատվություն է կրում Ներդրումային պայմանագիրը չիրականացնելու համար՝ հետևյալ դեպքերում.

5.1.1. Պայմանագրի 2.1.4 կետով նախատեսված դեպքում Ներդրողը Նախարարությանը վերադարձնում է ոչ հավաստի, թերի կամ ոչ ճշգրիտ տեղեկատվության հիման վրա Ներդրողին վճարված աջակցության գումարը, ինչպես նաև վճարում տույժ՝ համաձայն ՀՀ Կենտրոնական Բանկի Խորհրդի 2010 թվականի նոյեմբերի 9-ի N 283-Ն որոշմամբ նախատեսված՝ այդ գումարի համար հաշվարկված տոկոսների արժեքը վերադարձնել Հայաստանի Հանրապետության պետական բյուջե, իսկ չվերադարձնելու դեպքում այն կգանձվի դատական կարգով,

5.1.2. Պայմանագրի 2.1.8 կետով նախատեսված դեպքում Ներդրողը Նախարարությանը վերադարձնում է աջակցության ստացված գումարը, ինչպես նաև վճարում տույժ՝ համաձայն ՀՀ Կենտրոնական Բանկի Խորհրդի 2010 թվականի նոյեմբերի 9-ի N 283-Ն որոշմամբ նախատեսված՝ այդ գումարի համար հաշվարկված տոկոսների արժեքը վերադարձնել Հայաստանի Հանրապետության պետական բյուջե, իսկ չվերադարձնելու դեպքում այն կգանձվի դատական կարգով,

5.1.3. Պայմանագրի 2.1.89 կետով նախատեսված դեպքում Ներդրողը Նախարարությանը վերադարձնում է ստացված աջակցության գումարը, ինչպես նաև վճարում տույժ՝ համաձայն ՀՀ Կենտրոնական Բանկի Խորհրդի 2010 թվականի նոյեմբերի 9-ի N 283-Ն որոշմամբ նախատեսված՝ այդ գումարի համար հաշվարկված տոկոսների արժեքը վերադարձնել Հայաստանի Հանրապետության պետական բյուջե, իսկ չվերադարձնելու դեպքում այն կգանձվի դատական կարգով:

5.2. Կողմերը գիտակցում են, որ Պայմանագիրը կնքելով մտնում են քաղաքացիաիրավական հարաբերությունների մեջ՝ կրելով դրանից բխող՝ Քաղաքացիական օրենսգրքով նախատեսված պատասխանատվություն:

6. Անհաղթահարելի ուժի ազդեցությունը (Ֆորս-մաժոր).

6.1. Կողմերը Պայմանագրի ներքո պատասխանատվություն չեն կրում, եթե պարտականության չկատարումը հանդիսացել է անհաղթահարելի ուժի հետևանք, որը Կողմերը չէին կարող կանխատեսել կամ կանխարգելել: Այդպիսի հանգամանքներ են երկրաշարժը, ջրհեղեղը, հրդեհը, այլ բնական կամ տեխնաժին աղետները, պատերազմները, համաճարակները, ռազմական և արտակարգ դրություն հայտարարելը, քաղաքական հուզումները, գործադուլները, քաղաքացիական անհնազանդության դրսևորումները, զանգվածային անկարգությունները, հաղորդակցության միջոցների աշխատանքի դադարեցումը, պետական մարմինների ակտերը, ֆինանսական կամ այլ սանկցիաները և այլն: Նշված հանգամանքների առաջացման դեպքում յուրաքանչյուր Կողմ պարտավորվում է դրանց մասին առաջին հնարավորության դեպքում գրավոր ձևով տեղեկացնել մյուս Կողմին, ինչի դեպքում պարտավորությունների կատարման ժամկետը հետաձգվում է այն ժամանակին համաչափ, որի ընթացքում գործում են նշված հանգամանքները և դրանց հետևանքները:

6.2. Անհաղթահարելի ուժի ազդեցության վերացման պահից Կողմերը պարտավորվում են շարունակել Պայմանագրի կատարումը և չեն կարող հրաժարվել ստանձնած պարտավորությունների և Պայմանագրի կատարումից կամ դադարեցնել Պայմանագրի գործողությունը:

6.3. Անհաղթահարելի ուժի ազդեցության վերացումից հետո անհրաժեշտության դեպքում Կողմերի միջև կազմվում է արձանագրություն և հաստատվում է Ներդրումային ծրագրի իրականացման նոր ժամանակացույց:

6.4. Անհաղթահարելի ուժի ազդեցությունն ավելի քան 6 (վեց) ամիս շարունակվելու դեպքում Կողմերից յուրաքանչյուրն իրավունք ունի դադարեցնել Պայմանագիրը այդ մասին մյուս Կողմին ծանուցելով առնվազն 1 (մեկ) ամիս առաջ:

7. Պայմանագրի ժամկետը և դադարեցումը

7.1. Պայմանագիրն ուժի մեջ է մտնում բոլոր Կողմերի կողմից ստորագրման պահից և գործում մինչև Ներդրումային ծրագրի ավարտը: Պայմանագիրը կարող է փոփոխվել և լուծվել Կողմերի համաձայնությամբ՝ Որոշման պահանջների պահպանմամբ: Պայմանագրի փոփոխման կամ լուծման վերաբերյալ համաձայնությունը կնքվում է գրավոր:

7.2. Նախարարությունն իրավունք ունի վաղաժամկետ դադարեցնել Պայմանագիրը վերջինիս 2.1 կետով նախատեսված դեպքերում՝ առնվազն 15 (տասնհինգ) աշխատանքային օր առաջ այդ մասին ծանուցելով Ներդրողին:

7.3. Ներդրողն իրավունք ունի մինչև մեկնարկի աջակցության տրամադրումը՝ ցանկացած պահին՝ դադարեցնել Պայմանագիրը Նախարարությանն առնվազն 15 (տասնհինգ) աշխատանքային օր առաջ դրա մասին ծանուցելով:

7.4. Պայմանագրով Կողմերի համար սահմանված բոլոր պարտավորություններն շարունակում են գործել Ներդրումային ծրագիրն ամբողջությամբ իրականացվելուց հետո և փոխանցվում են Կողմերի իրավահաջորդներին (առկայության դեպքում):

8. Կողմերի հաղորդակցությունը

8.1. Կողմերի միջև պաշտոնական հաղորդակցությունն իրականացվում է բացառապես էլեկտրոնային եղանակով՝ Պայմանագրի վավերապայմաններում նշված էլեկտրոնային փոստերի միջոցով:

9. Վեճերի լուծման կարգը.

9.1. Պայմանագրի նկատմամբ կիրառվում է Հայաստանի Հանրապետության օրենսդրությունը:

9.2. Պայմանագրից կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են Երևան քաղաքի առաջին աստիճանի ընդհանուր իրավասության քաղաքացիական դատարանով:

10. Եզրափակիչ դրույթներ.

10.1. Պայմանագիրը ստորագրելով՝ Ներդրողը համաձայնում է, որ, Նախարարությունն իրավունք ունի մշակել վերջինիս անձնական տվյալները, ինչպես նաև Ներդրողի կողմից Նախարարությանը փոխանցվող այլ անձանց անձնական տվյալները աջակցության տրամադրումն ապահովելու նպատակով: Այլ անձանց վերաբերյալ անձնական տվյալներ

Նախարարությանը փոխանցվելու պարագայում Ներդրողը պարտավոր է ստանալ նշված անձանց համաձայնությունը և փոխանցել Նախարարությանը: Ներդրողը համաձայնում է, որ Նախարարությունը կարող է Ներդրողի անձնական տվյալները տրամադրել երրորդ անձանց:

10.2. Պայմանագիրը ստորագրելով՝ Ներդրողը համաձայնում է իր, Ներդրումային ծրագրի և իրեն տրամադրվող աջակցության վերաբերյալ Ռեեստրի վարման կարգով սահմանված՝ հանրության համար հասանելի տեղեկության հրապարակմանը Նախարարության պաշտոնական ինտերնետային կայքում:

10.3. Կողմերը և նրանց ներկայացուցիչները երաշխավորում են, որ ունեն անհրաժեշտ լիազորություններ Պայմանագիրը ստորագրելու համար:

10.4. Պայմանագրով չնախատեսված դրույթները կարգավորվում են Որոշմամբ սահմանված կարգով:

10.5. Պայմանագիրը կազմված է երկու/երեք հավասարազոր օրինակներից՝ հայերենով: Յուրաքանչյուր կողմին տրվում է մեկական օրինակ:

10.6. Պայմանագրում կիրառվող և դրանով չսահմանված եզրույթներն ունեն Որոշմամբ դրանց տրված նշանակությունը:

11. Կողմերի հասցեները, բանկային և այլ վավերապայմանները և ստորագրությունները.

**Հայաստանի Հանրապետության
Էկոնոմիկայի նախարարություն**

Հասցե՝ ՀՀ, 0010, ք. Երևան
Մհեր Մկրտչյան 5
ՀՎՀՀ՝ 02698604

ՀՀ ֆինանսների նախարարության
գործառնական վարչություն

Ներդրող

*[«Ընկերության անվանում»]
[Կազակերպաիրավական ձև]*

Հասցե՝ *[հասցե]*
ՀՎՀՀ՝

Բանկ՝ *[բանկի անվանում]*
հ/հ՝ *[հաշվեհամար]*

h/h 900011018695

էլ. փոստ:

գլխավոր քարտուղար՝
(անուն, ազգանուն)

էլ. փոստ:

իրավասու պաշտոնատար անձ/
լիազորված անձ
(անուն, ազգանուն)

Տնտեսվարող սուբյեկտ

[«Ընկերության անվանում»]

[Կազմակերպատիրական ձև]

Հասցե՝ [հասցե]

ՀՎՀՀ՝

էլ. փոստ:

իրավասու պաշտոնատար անձ/

լիազորված անձ

(անուն, ազգանուն)

Հավելված 1

[ամիս, ամսաթիվ] կնքված Ներդրումային պայմանագրի

Ներդրումային ծրագրի անվանումը